



Broj: 11-19/2-11-2-2476/26-VI

Datum: 21.07.2026. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i :

O D L U K U

o izboru najpovoljnijeg ponuđača za Javnu nabavku rekreacione opreme LOT 6 – Nabavka trake za trčanje

I

Prihvata se prijedlog Komisije za provođenje otvorenih postupaka javnih nabavki u postupku javne nabavke rekreacione opreme – LOT 6 „Nabavka trake za trčanje“, te se ugovor dodjeljuje ponuđaču **„OLYMP SPORT“ d.o.o. Banja Luka**, čija ponuda broj 617 iznosi ukupno **3.200,00 KM bez PDV-a**.

II

Odabrani ponuđač dužan je u skladu sa tačkom 12. (u roku od 5 dana) tenderske dokumentacije dostaviti dokaze koji su traženi tenderskom dokumentacijom.

III

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

IV

Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14 i 59/22).

V

Za izvršenje Odluke zadužuje se Sektor za finansije i javne nabavke.

VI

Odluka stupa na snagu danom donošenja.

O B R A Z L O Ž E N J E

Federalna uprava policije je provela otvoreni postupak Javne nabavke rekreacione opreme - LOT 6 „Nabavka trake za trčanje“, broj Obavještenja o javnoj nabavci: 1412-1-1-154-3-145/26 od 10.06.2026.godine, objavljeno u „Službenom glasniku BiH“ broj: 42/26 od 19.06.2026.godine.

Procijenjena ukupna vrijednost Javne nabavke rekreacione opreme (podijeljena na LOT-ove) iznosi 123.155,22 KM bez PDV-a, a procijenjena vrijednost za LOT 3 iznosi 3.213,00 KM bez PDV-a.

Postupak je provela Komisija za provođenje otvorenih postupaka nabavki u 2026. godini, broj Rješenja o imenovanju broj: 11-11/4-30-2-1387 od 17.12.2025. godine, broj: 11-11/4-30-2-271 od 20.02.2026. godine i 11-11/4-30-2-271-1/26 od 06.07.2026. godine.

U postupku je utvrđeno da je Komisija u svemu postupila pravilno, te da je preporuka za izbor najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Dana 02.07.2026. godine, Komisija za provođenje otvorenih postupaka javnih nabavki za 2026. godinu izvršila je otvaranje ponuda u postupku Javne nabavke rekreacione opreme, o čemu je sačinjen Zapisnik o otvaranju ponuda, u koji su uneseni svi podaci propisani članom 63. stav 4. i 5., ZJN.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda, pregled i ocjenu kvalifikovanosti ponuđača, o čemu je sačinila odgovorajući zapisnik, u kojem je utvrđeno sljedeće:

- da je za LOT 6 – Nabavka trake za trčanje zaprimljena jedna (1) ponuda, koja je ujedno i blagovremena, i to ponuđača „OLYMP SPORT“ d.o.o. Banja Luka;
- da nije bilo neblagovremeno zaprimljenih ponuda;
- da je Komisija utvrdila da je ponuda ponuđača: „OLYMP SPORT“ d.o.o. Banja Luka **prihvatljiva** i da ispunjava sve uslove tražene tenderskom dokumentacijom;
- da je, imajući u vidu da je Tenderskom dokumentacijom predviđeno provođenje e-Aukcije, a da je zaprimljena samo jedna prihvatljiva ponuda, Komisija, u skladu sa Pravilnikom o uslovima i načinu korištenja e-Aukcije („Službeni glasnik BiH“, broj: 80/23), dala preporuku Ugovornom organu da za postupak Javne nabavke rekreacione opreme, LOT 6 – Nabavka trake za trčanje dodijeli Ugovor ponuđaču „OLYMP SPORT“ d.o.o. Banja Luka;
- da je, rukovodeći se kriterijem najniža cijena i ispunjenosti svih uslova propisanih tenderskom dokumentacijom (u skladu sa članom 21. tenderske dokumentacije), Komisija predložila da se, u skladu sa članom 70., Zakona o javnim nabavkama, donese Odluka o izboru najpovoljnijeg ponuđača za Javnu nabavku rekreacione opreme, LOT 6 – Nabavka trake za trčanje ugovor dodijeli ponuđaču „OLYMP SPORT“ d.o.o. Banja Luka, prema ponudi broj: 617, sa ukupnom cijenom od **3.200,00 KM bez PDV-a**, što je konstatovano u Zapisniku o pregledu i ocjeni ponuda od 14.07.2026. godine.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**DIREKTOR
GLAVNI GENERALNI INSPEKTOR POLICIJE**

Igor Marić

Dostaviti:

- Sektor za finansije i javne nabavke
- ponuđačima
- u spis